



UNIVERZITET U SARAJEVU
FILOZOFSKI FAKULTET

UNIVERSITY OF SARAJEVO
FACULTY OF PHILOSOPHY

71000 Sarajevo, Franje Račkog br. 1,
Bosna i Hercegovina
Poštanski pretinac br. 347
Telefoni: ++ 387 33 20 36 43; ++ 387 33 20 45 99;
++ 387 33 25 31 00; ++ 387 33 20 35 50
Dekan: ++ 387 33 25 31 11
Sekretar: ++ 387 33 25 32 02
Fax: ++ 387 33 66 78 73
e-mail: dekanat@ff.unsa.ba

Vijeće Fakulteta

Broj: 02-01/127

Sarajevo, 10. 4. 2025. godine

Na osnovu člana 69. Zakona o visokom obrazovanju ("Službene novine Kantona Sarajevo", broj: 36/22.), člana 111. Statuta Univerziteta u Sarajevu, broj: 01-14-35-1/23 od 26. 7. 2023. godine, a u skladu sa članom 37. i 38. Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu, broj: 01-15-24-1/23 od 27. 9. 2023. godine, dopisa odsjeka Fakulteta, i Instrukcije Kolegija sekretara Univerziteta u Sarajevu, broj: 0105-657-2/24 od 24. 1. 2024. godine (djelovodni broj protokola Fakulteta: 01/85 od 15. 2. 2024. godine), Vijeće Univerziteta u Sarajevu – Filozofskog fakulteta na 2. redovnoj sjednici održanoj 10. 4. 2025. godine, *donijelo je*

O D L U K U

I

Usvajaju se **OPĆI AKTI KOJIM SE SPECIFIČNIJE REGULIŠE PRELAZAK STUDENATA SA STUDIJSKIH PROGRAMA I SA DRUGIH UNIVERZITETA NA UNIVERZITET U SARAJEVU – FILOZOFSKI FAKULTET ODSJEKA ZA FILOZOFIJU** (broj: 02-04/32 od 27. 3. 2025. godine) i **ODSJEKA ZA PSIHOLOGIJU FAKULTETA** (broj: 02-11/50 od 24. 3. 2024. godine).

II

Opći akti iz stava I. ove odluke sastavni su dio ove odluke.

Obrazloženje

Vijeće Fakulteta Univerziteta u Sarajevu – Filozofskog fakulteta na 2. redovnoj sjednici održanoj 10. 4. 2024. godine, razmatralo je pitanje općeg akta Odsjeka za filozofiju broj: 02-04/32 od 27. 3. 2025. godine i Odsjeka za psihologiju Fakulteta (broj: 02-11/50 od 24. 3. 2024. godine) i jednoglasno usvojilo iste.

Cijeneći sve naprijed navedeno, Vijeće Fakulteta donijelo je Odluku kao u dispozitivu.

V.D. DEKANA FAKULTETA

Prof. dr. Adnan Busuladžić

Akt obradila:

Alma Ahmetpahić, šefica Službe za nastavu

Akt kontrolisale i odobrile: prof. dr. Jadranka Kolenović-Đapo, v.d. prodekanice za nastavu i studentska pitanja

doc. dr. Minka Džanko, v.d. prodekanice za naučnoistraživački rad, međunarodnu akademsku saradnju i izdavaštvo

Sekretarka organizacione jedinice Univerziteta u Sarajevu – Filozofskog fakulteta, Maida Bešić, dipl. iur., potvrđuje da je Odluka u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu – Filozofskog fakulteta nadležno za donošenje iste shodno članu 69. Zakona o visokom obrazovanju („Službene novine Kantona Sarajevo”, broj 36/22.) i članu 111. Statuta Univerziteta u Sarajevu, broj: 01-14-35-1/23 od 26. 7. 2023. godine.

DOSTAVITI:

1. V.d. Dekana Fakulteta
2. V.d. Prodekana Fakulteta x2
3. Odsjeku za filozofiju
4. Odsjeku za psihologiju
5. Službama Fakulteta
6. Uz zapisnik
7. Arhiva

Sarajevo, 24. 3. 2025. godine

02-11/50

24.3

VIJEĆU FAKULTETA

PREDMET: DONOŠENJE PRIJEDLOGA OPĆEG AKTA KOJIM BI SE SPECIFIČNIJE REGULIRAO PRELAZAK STUDENATA SA STUDIJSKIH PROGRAMA I SA DRUGIH UNIVERZITETA NA ODSJEK ZA PSIHOLOGIJU (AKTUELNA PRAVILA STUDIRANJA) ZA STUDIJSKU 2025/2026. GODINU

Poštovani,

Odsjek za psihologiju na 48. redovnoj sjednici održanoj 24. 3. 2025. godine jednoglasno je usvojio prijedlog općeg akta kojim bi se specifičnije regulirao prelazak studenata sa drugih univerziteta i sa studijskih programa na Odsjek za psihologiju za studijsku 2025/2026. godinu (uvjeti koje studenti moraju zadovoljiti da bi nastavili studij na Odsjeku za psihologiju), a u skladu sa aktuelnim Pravilima studiranja za prvi i drugi ciklus studija, integrisani, specijalistički i stručni studij na Univerzitetu u Sarajevu, kako slijedi:

1. PRELAZAK STUDENATA SA DRUGIH UNIVERZITETA NA ODSJEK ZA PSIHOLOGIJU (uvjeti prelaska):

- Da je student iz stava 1, člana 37. navedenih Pravila studiranja, koji je podnio zahtjev za prelazak **položio prijemni ispit bilo gdje na akreditiranim univerzitetima na Odsjeku za psihologiju;**
- Kvota za prelazak: 3 studenta

2. PRELAZAK STUDENATA SA STUDIJSKIH PROGRAMA (uvjeti prelaska):

- Da je student iz stava 1 i stava 2, člana 38. navedenih Pravila studiranja, koji je podnio zahtjev za prelazak, **položio prijemni ispit na članici Univerziteta u Sarajevu sa koje dolazi i ima status aktivnog studenta;**
- Kvota za prelazak: 3 studenta.

Napomena: Budući da navedenim članovima Pravila nije jasno definirano na koji ciklus studija se primjenjuju navedeni članovi, podsjećamo da se na diplomski studij, tj. prvu godinu II. ciklusa studija na Odsjeku za psihologiju mogu upisati samo studenti koji su završili I ciklus studija psihologije (jednopedmetni dodiplomski studij) u trajanju od tri godine ili šest semestara i ostvarenih 180 ECTS studijskih bodova, odnosno studenti koji su završili predbolonjski studij psihologije (diplomirani psiholozi), kako je navedeno u aktuelnom Nastavnom planu i programu Odsjeka za psihologiju koji je objavljen na web-stranici Fakulteta (<https://www.fl.unsa.ba/index.php/bs/2014-13-15-22-46-24>; https://www.fl.unsa.ba/files/trajno/zpp_2019/NIP_Psihologije_2019_2020_TKI.pdf str. 8).

Molimo Dekanat da se o svim eventualnim zahtjevima studenata za prelazak iz članova 37. i 38., a prije donošenja rješenja Dekana, konsultira Odsjek za psihologiju.

S poštovanjem,

Rukovoditeljica podorganizacione jedinice

Prof. dr. Mirna Marković

02-04/32
22. 3. 21
UNIVERZITET U SARAJEVU - FILOZOFSKI FAKULTET
ODSJEK ZA FILOZOFIJU
Sarajevo, 26. 3. 2025. godine

Vijeću Fakulteta

PREDMET: *Donošenje općeg akta kojim se specifičnije regulira prelazak studenata sa studijskih programa i sa drugih univerziteta na Univerzitet u Sarajevu - Filozofski (Odsjek za filozofiju)*

Odsjek za filozofiju na 32. elektronskoj sjednici održanoj 26. 3. 2025. godine, u cilju donošenja općeg akta kojim se specifičnije regulira prelazak studenata sa studijskih programa i sa drugih univerziteta na Univerzitet u Sarajevu - Filozofski fakultet (Odsjek za filozofiju) jednoglasno predlaže da se, pored uvjeta koje propisuju članovi 37. i 38. Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu broj: 01-15-24-1/23 od 27. 09. 2023. godine, za kandidate koji ne studiraju filozofiju, po zaprimljenom zahtjevu za prelazak organizira obavezni intervju iz oblasti filozofije (historija filozofije, logika, etika, estetika) pred tročlanom komisijom koju čine: prof. dr. Samir Arnautović, prof. dr. Damir Marić i prof. dr. Kenan Šljivo.

Obaveznu literaturu za intervju čine sljedeća djela:

1. *Windelband Wilhelm: "Povijest filozofije"*
2. *Gajo Petrović: "Logika"*
3. *Friedrich Jodl: „Istorija etike“*
4. *Immanuel Kant: „Kritika čistog uma“*
5. *Platon: „Država“*
6. *Danko Grlić: „Istorija estetike“*

Nakon uvida u dostavljenju dokumentaciju u skladu sa navedenim članovima Pravila studiranja, te obavljenog intervjua, Komisija će sačiniti prijedlog koji će uputiti dekanu Fakulteta na dalje postupanje, odnosno donošenje rješenja.

Predsjednik Vijeća Odsjeka


Prof. dr. Samir Arnautović